

ذهب الظمأ " صفقة صيام التطوع " | #أيامنا_الحلوة | د. حازم

شومان

حازم شومان

بعيد عن حب وحياة وبهجرك للدين ستحيا تعشق ما قلبك اهواه او ان الايام ستحلو ترى الدنيا شط نجا. دينك بحر من امال شق
لجميل السلام عليكم ورحمة الله وبركاته. الحمد لله وكفى وصلاة وسلاما على عباده الذين اصطفى. اللهم لك الحمد كله ولك الملك
كله. وببذك الخير - 00:00:00

الخير كله واليك يرجع الامر كله. اللهم صل على حبيب قلوبنا وعلى طبيب قلوبنا وعلى شفيعنا يوم العرض عليك محمد صلى الله
عليه سلم اللهم انا نسألك الهدى والسداد. اللهم اهد قلوبنا وسدد سنتنا. اللهم اهدنا اليك صراطا مستقيما. اللهم قوي في رضاك -
00:00:27

عزمننا. اللهم اقمنا على مرادك منا. اللهم فهمنا اللهم علمنا. اللهم حقق ايماننا. اللهم حقق ايماننا يا رب اللهم امين اخوانا واخواتنا في
الله احبابنا الافاضل الاكارم نور الدنيا كلها. ربنا يحفظكم ويبارك فيكم ويسددكم - 00:00:47
يبلغنا رمضان ويتم علينا نعمته يا رب. اما بعد اخواني في الله ندخل في الموضوع على طول يعني سبحان الله العظيم. يعني كان في
قصة حصلت واقعية. امير من الامراء اه - 00:01:07

ده ست تأشيرات حج لاسرة من الاسر اب وام والاربع اولاد بتوعهم. فالاب زي ما تقول ايه يعني حس بالفخر للامير فلان وست
تأشيرات ارواح السفارة خلاص انا هحج هحج الامير فلان يعني خلاص اتبرع لي او يعني اذن لي بست تأشيرات حج. راح السفارة انا
تبع الامير فلان - 00:01:17

سلم الست الجوازات بتوعه هو وزوجته واولاده خلاص آآ حضرتك تستنى معنا شوية طبعاً له مقام كبير بقى وتبع واسطة كبيرة وتبع
مركز مرموق شوية ونزل بيقولوا الست جوازات في زرف موجودين جواهرم التأشيرات بتاعة الحج. يعني ثروة الراجل مشي وخرجوا
من السفارة وهم فرحانيين ومعهم التأشيرات بعد - 00:01:37

خرج بيفتح الجوازات بيفتح الجواز بتاعه تأشيرة الحج موجودة بس ده مش جوازه. بيفتح جواز زوجته وتأشيرة الحج موجودة بس
ده مش جوازه. بيفتح تأشيرات اولاده تأشيرة الحج موجودة بس ده مش جوازه. الراجل كان يجن رجع لهم ثاني في السفارة قالوا
له خلاص الست تأشيرات طلعم لان التأشيرات هناك بتبقى - 00:01:57

بالعدد الست تأشيرات طلوعوا خلاص ولكن قلت سبحان الله العظيم. الامير اراد دول والملك اراد دول. الامير اراد وربنا اراد ستة ثانيين
قلت سبحانك يا رب اكبر عبرة من القصة دي يا جماعة ان ربنا ما بيختارش اي حد عشان يعبد. ربنا ما بيختارش اي حد -
00:02:17

عشان يصلي له وعشان يصوم له. وعشان يسجد له وعشان يطوف حوالين الكعبة. ربنا ما بيختارش اي حد عشان يعبد يا جماعة.
العبادة دي اصطفاء يا اخواني. العبادة اختيار. انت عايز ربنا يختارك انك تعبد. انت عايز اللي بيقوم الليل ده مصطفى من الله. اللي
بتصوم النهار ديت مختارة من الله سبحانه وتعالى - 00:02:37

اهلا. يعني العبادة دي اصطفاء واختيار من الله سبحانه وتعالى نفسنا ان احنا ربنا يختارنا. نفسنا ان احنا ربنا يصطفينا. نفسنا ان احنا
ربنا ان احنا نعبد سبحانه وتعالى بازنه الواحد بيتعامل مع الناس الايام دي يا جماعة ركب مع سائق تاكسي من الايام بيقول احنا

عاملين زي يوم القيامة من كتر الهم - 00:02:57

والكرب اللي احنا فيه. كل واحد بيقول يلا نفسي. قلت سبحان الله! الناس مخنوقة. الناس تعبانة. ومن اهم اسباب تعب الناس قلة العبادة. اصلها ابتلاء. ابتلاء تسعين مليون مواطن، ولكن القضية يا اخواني في الله قلة العبادة لو فيه عبادة قوية، لو فيه عبادة كثيرة الناس هتقدر تجتاز هذه الازمات سبحان الله - 00:03:17

احد الناس واحنا بنتكلم دلوقتي عن العبادة وبنبدأ نسخن نفسنا في علو الهممة من اجل العبادة. علو الهممة في عبادة ربنا لازم يكون دعوتنا دعوة عملية يا جماعة. مش دعوة شحن بس مش دعوة تسخين بس لازم يكون فيه خط سير لازم اللي قاعد في الحلقة يخرج بعد الحلقة معه خط سير معه عبادة وده اللي احنا هنعمله الليلة - 00:03:37

بازن الله سبحانه وتعالى هنتكلم عن عبادة معينة. هنتكلم عن عبادة من اخطر العبادات. صيام التطوع. عبادة عظيمة. اشمعنى بنتكلم عنها دلوقتي؟ رمضان بعد اربع اسابيع يا اخواني كل سنة وانتم طبيين هتدخل رمضان في الحر ده من غير تدريب على الصيام. ازاى - 00:03:57

ثم يا اخواني الصيام التطوع من غير رمضان. ده المفروض يكون دا يدنا طول السنة بازن الله سبحانه وتعالى. نبدأ نتربى بقى على علو الهممة. نبدأ نتكلم عن عبادة في غاية - 00:04:14

الخطورة وهي عبادة ذهب الظلم. وهي عبادة صيام التطوع. نبدأ نتكلم عنها يعني كان احد الناس الافضل اه لو الناس تعرف ثمار العبادة في حياتهم. اه لو الناس تعرف عمل الخير ربنا بيعمل لهم ايه في دنيتهم قبل اخرتهم. اه لو الناس تعرف ماذا لو عبدنا الله؟ ماذا - 00:04:24

لو اطعنا الله اه لو الناس تعرف لو احنا اجتهدنا في العبادة والذكر والصيام والصلاة وتكبيره الاحرام والقيام اه لو الناس تعرف لو احنا اجتهدنا في العلاقة بالقرآن وورد القرآن. اه لو الناس تعرف ثمار العبادة في حياتنا. ربنا يعمل لنا بها ايه؟ احد الناس الافضل جدا اللي اعرفهم هو باني يعني - 00:04:44

جزاه الله خيرا قام على بناء برجين ليتامى. برجين يسكن فيهم الاطفال البتامي. وواهب حياته لتربية هؤلاء الاطفال واصلاحهم وتنشئتهم. وو يعني جزاه الله خيرا يعني. وهو يبني البرج الثاني وبيقوم على بناء البرج الثاني. فبيقول لي كان الاسانسير بتاع البرج اسانسير يعني ايه؟ يعني لسة جديد يعني - 00:05:04

البرج لسة بيتبنى دا هم لسة وفي حديد فوق السطح لو هو واحد من اللي بيساعده في البناء طالعين في الاسانسير بيقول كان بيكلمني مباشرة يعني. بيقول الحديد بتاع السطح وقع على الاسانسير - 00:05:24

والاسانسير طالع الحديد وقع عليه حديد مسلح. فالاسانسير اتهدت في الارض طبعا يعني اللي شاف حوادث سقوط اسانسيرات ربنا يعافينا. ويعافي المسلمين اجمعين يا رب بتبقى فيها موت شلل مدى الحياة. يعني بتبقى حوادث شديدة جدا ربنا يعافي المسلمين اجمعين يا رب. حادثة قاتلة يعني. فالاسانسير اتهدت بثقل الحديد اللي - 00:05:37

عليه مش كده بس بيقول الحديد بقى الاسانسير مسلا لما يبجي يطلع في حد ده بتنزل لما يبجي ينزل الحديد بتطلع بتعمل توازن الحديد دي لما الاساطير ابد. فقامت هي مهبودة لفوق بقى العكس. قامت هي طالعة لفوق. بيقول طلعت خارجة من المجرى بتاعتها. قامت واقعة على سقف الاسانسير. هو وواحد واحد - 00:05:57

واقفين جوة الاسانسير وهو بيوقع قامت واقعة ما بينا احنا الاثنين. فبيقول لي انا المفروض الوقتي كان زماني مت تماما يعني. بيقول سبحان الله اني مت ولكن ربنا نجاه من كل ده بيقول لي خرجت من الاسانسير على رجلي. ازاى؟ ربنا قادر يا جماعة عمل الخير يا اخوانا. يا اخوانا معجزات ربنا للي بيسعى في طاعة - 00:06:17

معجزات ربنا للعباد روح اكثر من عندنا وذكرى للعابدين. ربنا لا فرج اعظم مرض في الدنيا مرض ايوب. اعظم مرض اصعب مرض في الدنيا. اصعب ابتلاء في الدنيا. واحد على الكرة الارضية مبتلى ابتلاء ايوب. ده اية من ربنا في الابتلاء. يعني ما حدش - 00:06:37

ابطال ازيكم اصلا ده اية زي سليمان كده اية في في السراء وايوب اية الضراء. وازاي السراء لم تضيف سليمان عن حب الله السراء لم

تصف ايوب عن حب الله دول ايتين هياخد ابتلاء ده ولا حد هياخد فتخيل ايوب لما ربنا فرج كربه قال ايه - [00:06:57](#)

من عندنا وذكرى للعابدين. ذكرى ان العبادة سر تفريج الكربات مهما عظمت بقى. ما خلاص ما فيش عظمة البلاء ده والعبادة فرجته في رحمة الله. يبقى ايه اللي لا يفرج بالعبادة بعد كده - [00:07:17](#)

عايزين نتكلم عن فضل صيام التطوع. عايزين نتكلم عن ذهب الظلم. مدرسة ذهب الظلم يا اخواني في الله. انا عايزك تركزي معي بقى. وعايذك تركز معي. وكل واحد بيسمع الحديس والثواب والايات. في فضل صيام التطوع يبقى يا اخواني في الله لان بكرة

اللاتنين يعني الحلقة دي ان الله بازن الله. هنخرج منها نطبق عملي. عايز - [00:07:31](#)

سبت اتنين وخميس اللي عايز يسبت يوم ويوم. اللي يقول لك والله انا صحيت على قد ثلاث تيام كل شهر. اللي يقول لك انا هاصوم كل اتنين بس. يقول لك انا هاصوم كل خميس بس. اللي يقول لك - [00:07:51](#)

يعني هصوم لي مسلا اسبوع اسبوعين ثلاثة وافطر اسبوع اسبوعين ثلاثة زي ما النبي عليه الصلاة والسلام كان بيعمل صيام التطوع انظمته كثير. ولكن القضية افتح قلبك معي بقى قلبك معي ركزوا معي يا اخوتي هذه العبادة العظيمة. ركزوا معي. احنا دلوقتي بنعمل

نقلة يا جماعة. احنا بنعمل نقل. ما بنتكلم درس عن الوتر - [00:08:01](#)

عن صلاة الضحى جلسة عن جلسة الضحى. درس عن قيام الليل. درس عن صيام التطوع. احنا بنعمل نقل. يا جماعة في شغلنا في الدعوة. احنا بنتكلم كلام عالي يا جماعة. ان احنا بنتكلم كلام انا ممكن اكلمك في اصلاح القلوب. ولكن تخرج مش عارف تطبق ازاى؟

ممكن اكلمك في الصيام. لو انت - [00:08:21](#)

في قلب هينصلح نفسك هتزكى. روحك تطهر. عزيزتك هتقوى. سوابك هيكثر صحيفتك هتثقل. ميزانك لو لو احنا عبدنا فكر العمل اللي عليه الصلاة والسلام كان بيربي الصحابة عليه اننا نشغل ما نقعدش نقول كلام وعظي بس كلام وعظي بس وكلام شحن بس الاخ

- [00:08:41](#)

لو الاخت يخرج بعدها لأ عايز يخبط راسه في الحيطه. طب اعمل ايه؟ اطبق ده ازاى؟ اللي عايز يوصل ربنا يعمل اللي النبي عليه الصلاة والسلام علمه لما قعد لصحابه مرة وقال لهم - [00:09:01](#)

اسمع بقى معي حديسة الخطير ده من صام يوما ايه؟ يوما مش من وازب على الصيام. النبي عليه الصلاة والسلام بيقول لك الصيام باليوم. يعني من صام يوما في سبيل الله. ربنا يدي له ايه يا رسول الله؟ يوم واحد بس - [00:09:11](#)

اليوم الواحد ده زي ما يقول لك اللي يصلي ركعة واحدة خذ كذا. من صام يوما في سبيل الله باعد الله مش بعد وجهه باعد الله اه لما الفعل ينسب الى الله دلالة على مدى اليقين في مدى قوة الفعل ومدى عظمة الفعل. ابعد الله وجهه - [00:09:28](#)

الوجه اللي توجه به الى الله في العبادة ما لوش دعوة بالنار. باعد الله وجهه عن النار ها سبعين خريف. يا ربي! ده عامل زي اللي قام راكب طيارة وفجأة طلع بها طالعة بتبص لقيت - [00:09:48](#)

الارض بقت تحت رجلحك زي نط نطة لفوق. ده في يوم واحد قطع اللي غيره بيقطعه في سبعين سنة سر الى الله ده في يوم واحد صيام يعني عبادة الصيام قفزة بقى. يعني عبادة الصيام دي بتعمل قصة في حياتك. يعني كل يوم بتصوميه بيخليك تسبقي الاف

العباد على باب - [00:10:07](#)

كل يوم بتصوم وبيخليك تسبق الناس اللي كانوا زيههم زيك. يعني عبادة دي بتخليك تقفز عن اللي جنبك. مستواك يعني عبادة الصيام دي يا جماعة طفرات علاقتنا بربنا تاني من صام يوما يا ربي. حديس ده يشوقك للصيام قد ايه - [00:10:24](#)

في سبيل الله تخيلوا الوقت بقى في الحر اللي احنا فيه والنهار طويل يا سلام! يا سلام اني نذرت للرحمن صوما. يا سلام وانا في الاخر بقول ذهب راح خلاص التعب - [00:10:41](#)

راح خلاص العطش يعبوب فضل الثواب. وثبت الاجر العبادة الواحدة في الاسلام. اللي النبي عليه الصلاة والسلام علمك تقول ثبت الاجر كل العبادات. ربنا تقبل منا انك انت السميع العليم. يا رب اقبلني يا رب. يا رب انا مش عارف انت قبلت ولا يا رب اقبل يا رب. الا

الصيام. النبي قال سورة الاجر - [00:10:55](#)

يا رسول الله ان انا اقطعها كده سويت الاجر ان شاء الله تحقيق ده تعليقاً باذن الله. يا رسول الله ان النبي يقول لك ربنا مش هيضع عطشك. ربنا مش هيضع ظمئك - [00:11:16](#)

ربنا مش هيضع تعبك. ربنا مش هيضع تضحياتك من صام يوماً باليوم في سبيل الله. ما عدا الله وجهه عن النار خريفة قفزة في علاقتك برنا. قفزة في قربك من الجنة. قفزة في بعدك عن النار. النبي عليه الصلاة والسلام يقول حديث - [00:11:26](#)
اسمع من ختم له من ايه؟ ختم له. يعني اخر عمل قابل به ربنا سبحانه وتعالى. لكن النهاردة صايم او صام وبعد ما فطر. انما اخر عمل قابل به ربنا كان صيام - [00:11:49](#)

ختم له بصيام يوم بصيام يوم صاموا لله من ختم له صيام يوم دخل الجنة. الله اكبر! كان الصيام ده صاروخ تركبه بس ما ختم له طب يا رسول الله! يعني ازاى يبقى حسن الخاتمة ان انا اموت على - [00:12:04](#)
صيام بسيطة جدا بسيطة جدا ازاى وحد يقدر يتحكم في الحاجات دي؟ بسيطة بكرم ربنا سبحانه وتعالى باذن الله. من عاش على شيء مات عليه. يعني لو عشت على اثنين وخميس ان شاء الله تفوزي بالحديس ده. يعني لو على الصيام كل اثنين او كل خميس او ثلاث تيام من كل شهر. او تفطر يومين وتصوم يوم ما دام صام برضو - [00:12:24](#)

او طفت يوم وتصوم يوم او تقعد صايم لك اسبوع اسبوعين اللي هو كان يصوم حتى يقال لا يفطر يفطر حتى يقال لا يصوم. اسبوعين كده فروة اسبوعين صيام اسبوعين - [00:12:45](#)

يا جماعة انزما في غاية الخطورة. من خضم له بصيام يوم دخل الجنة. دخل الجنة. الله اكبر عشان ما نعاش على شيء مات عليه. النبي عليه الصلاة والسلام يقول حديث خطير جدا. ثلاثة ثلاثة لا ترد دعوتهم لا - [00:12:55](#)

الواحد لما بيدعي بالاذان والاقامة كده تنزل المسجد بدري وترفع ايدك بين الاذان والاقامة وتكون مكروب عندك حاجة الى الله. او نفسك رب يهديك او قلبك او يفرج كربك. او يشفيك او يفكرك كرب حد من احبابك. وارفع ايدي كده واقول يا رب افكر حديث النبي عليه الصلاة والسلام ان الدعاء بين الاذان والاقامة - [00:13:15](#)

لا يراد لا يرد كلام منتهي. لا يرد. يبقى لا يرد. يبقى النبي عليه الصلاة والسلام يقول لك ثلاثة لا ترد دعوتهم. حد فيكم يا جماعة مش محتاج دعاء؟ ده - [00:13:35](#)

احنا يعني اللهم لك الحمد. اللهم لك الحمد على الازمات اللي بقت في البلد الوقتي اللي عند الدنيا كلها في العالم كله. الزنوب يا جماعة عقوباتها نازلة مبهدلة الناس والشياطين والناس ما هيش حاسة والله. قد ايه الشياطين بتوسوس للناس وتوسوس في صدور الناس؟ وقد ايه الحاجات الحسد انتشرت؟ المشاكل انتشرت - [00:13:47](#)

بغضاء انتشرت. الفتن انتشرت. الابتلاءات وعقوبات الزنوب كثرت. لا حل لهذا يا جماعة غير الدعاء. طب انا عايز يا رب ادعي ويستجاب دعائي ثلاثة لا ترد دعوتهم. اه انت هتقول لي منهم الصائم الصائم حين يفطر لا مش حين - [00:14:07](#)

اومال ايه؟ حتى يفطر. يعني ايه الفرق بين حين وحتى؟ حين ده يعني في الدقايق بتاعة الفطار. انما حتى يعني من ساعة ما اتسحرت لحد من اول ما الفجر قال الله اكبر لحد ما فطرت. وبعد كده يبجي حديث بقى حين يفطر يبقى كمان عند الفطار اجابة دعاء. يعني انت - [00:14:27](#)

حرف مش الدعاء بين الاذان والاقامة لا يرد بقى عشر دقايق يدوبك اما تصلي السنة اللي باقيين او خمس دقايق. ده انت عندك اتناشر ساعة. يعني يا رب لما النهار يبقى اربعتاشر ساعة احسن من اتناشر. ليه؟ اربعتاشر ساعة اجابة دعاء يا ابني. لما النار يا جماعة احنا لو بصينا لها بوجهة نزر ايمانية هنبص لها نزره تانية. زي - [00:14:47](#)

وكنا طالعين في العمر وعمره تربية واحد اللي فاتت. فيعني بقول لاحد اخواني بقول له الفندق كل ما يبعد المفروض نفرح قال لي ليه؟ قلت له لان كل درجة للمسجد لاي مسجد - [00:15:07](#)

ترفع درجة وتحط خطيئة والمسجد الحرام بميت الف. فتخيل انت كل خطوة زيادة للمسجد الحرام بترفعك كم درجة؟ وتحط عنك كم خطيئة؟ فقلت سبحان الله هو بالزبط كده الصيام ده يعني آآ شيك على بياض. اربعتاشر ساعة قدامك اهو شيك على بياض.

اكتبني اللي انت عايزاه من الطلبات اطلبني اطلبني - 00:15:17

شيكات ممضي على بياض اكتب واطلب باذن الله سبحانه وتعالى. وبرحمة الله وبقدرة الله سبحانه وتعالى ثلاثة لا ترد دعواتهم لا ترد لا ترد يا رب يا رب اجعلنا مستجاب الدعاء يا رب. يا رب فرج كربتنا. يا رب اهد قلوبنا. يا رب الف بين قلوب المسلمين على طاعتك يا رب - 00:15:38

يا رب بلغنا رمضان واجعلنا فيه من الفائزين يا رب. ثلاثة لا ترد دعوتهم منهم. الصائم حتى يفطر. الله اكبر يبقى كل ما النهار يطول كل ما نفرح اكثر. ليه ؟ لان دفتر الشيكات محطوط قدامك اكثر. فترة طويلة. تخيلوا يا جماعة اصل الوعود اجابة الدعاء ديت عاملة - 00:15:58

ما اديك شيك ممضي على بياض لما اقول لك هنا اجابة دعاء شيك ممضي على بعض اكتب اللي انت عايزه. يبقى كل يوم صيام شيك ممضي على بياض كل يوم صيام شيك ممضي على بياض تضعيه ازاى ؟ تضعيه ازاى ؟ النبي عليه الصلاة والسلام وصحابي بيستنصحه قال له عليك بالصوم - 00:16:18

ليه يا رسول الله ؟ فانه لا عدل له. لا عدل له لا عدل له. عليك عارف يعني واحد تعبان كليتي اه عليك مسلا بايه ؟ بالشعير المغلي مسلا. او عليك مسلا بشرب الماية الكثير. يعني ايه ؟ يعني الموضوع مش يوم ولا اتنين ولا جرعة ولا اتنين - 00:16:37
الزم الروشنة دي امسك فيها بايديك وسنانك اوعى تسيبها عليك بالصوم. امسك بقى مدت الصيام وخليها الروشنة بتاعتك وخذ جرعات كتير عليك بالصوم. ليه يا رسول الله ؟ فانه لا عدل له يا ربي. يا اللي عايزة تصلحي قلبك. يا اللي عايز تطهر وتزكي نفسك. يا اللي عايزة تقوي - 00:16:57

يا اللي عايز تقرب من ربنا. يا اللي عايز طريق لاجابة الدعاء يكون عظيم ولا يرد. يا اللي عندك كربات وعايز عبادة تعملها بين يدي دعاء ربنا سبحانه وتعالى يستجيب - 00:17:17
يا اللي عايز توصل لربنا يا اللي عايز تطلع في الجنة عليك بالصوم. عليك اوعى تسيب الروشنة دي ليه ؟ فانه لا عدل ده كلام النبي عليه الصلاة والسلام. مش كلام واحد ببوعظ. لا عدل له. كلام النبي عليه الصلاة والسلام. من الاحاديث الخطيرة جدا. حديث النبي عليه الصلاة والسلام وهو - 00:17:28

بعد الحلقة بقى لما تقعد تاكل كده او تقعد تاكل وتتحسري هيخليك سبحان الله العظيم تفكر بطريقة تانية. ان الله وملائكته يصلون على المتسحرين. ايه ؟ يصلون على الايه ؟ المتسحرين. فيصلون على الصائمين. يا رب ده المتصحر ده - 00:17:48
ده بياكل ده مش صام. ده مش ممتنع عن الاكل. ده لسة بياكل وبيشرب. يعني تخيل ده سوابه وهو بياكل وبيشرب استعدادا للصيام. ده السواب بدأ من قبل ما يصوم يا جماعة - 00:18:08

ده عداد الحسنات اشتغل من قبل ما يصوم يا اخوانا امال لما يصوم بقى ثوابه بيبقى شكله ايه ؟ ان الله وملائكته يصلون على وملائكته. قلت سبحان الله ! اشمعنى الملائكة في الحديس ده ؟ اصل الصايم ده عامل زي الملائكة يا جماعة. ساب الاكل وساب الشرب وساب الشهوة. بس الملائكة سابت - 00:18:21

كل ده من غير ما ترغب فيه. انما الصايم ساب كل ده وهو نفسه فيه. وهو بيتمناه وهو راغب اليه. فالملائكة تصلي عليه الملائكة فرحانة به. الملائكة معظمه له. ان الله وملائكته يصلون على المتسحرين. قلت سبحان الله - 00:18:41
سواب الاستعداد للعبادة. يا سلام ! لانه بيستعد للعبادة. اصل اللي عايز يتسحر ده بيبقى ناوي يصوم بحق وحقيقي. بيبقى ناوي. واللي قاعد يشرب مية كتير ده ناوي يصوم بحق وحقيقي - 00:19:01

يبقى ناوي بيبقى بيستعد بيبقى يبدأ صلاة الله والملائكة عليه. طب امال اللي بيستعد لرمضان من الوقتي يا بخته ! اللي بيستعد للحج من الوقت ويحوش ! يا بخته اللي ببسال اللي بيستعد للعبادة ده يا جماعة يا بخته يا جماعة. يا جماعة ثوابه ان الله وملائكته قال الله وملائكته يصلون على المتسحرين. بيبقى - 00:19:11

فازا السواب بببدأ من اول السحور. بيبقى عبادة السحور ده عبادة بقى ده اكلة السحور دي ما عدش اسمها عشاء. ولا عاد اسمها اكلة

قبل الفجر ده بقى عبادة. الله وملائكته يصلون على المتسحرين لانهم بيستعدوا لعبادة - 00:19:31

زي الملك هيقعدوا اربعتاشر ساعة زي الملائكة. سبحان الله! من الاحاديس الغربية جدا حتى الطريقة اللي النبي عليه الصلاة والسلام قالها بها طريقة غريبة جدا. النبي عليه الصلاة والسلام يقول لك - 00:19:45

كل عمل ابن ادم له كل عمل ابن ادم يضاعف. كل عمل ابن ادم يضاعف. ما فيش حاجة؟ لأ. يعني الدرس ده لو ربنا قابل وضعفه. لو ربنا قابل منك سماعتك عن العبادة دلوقتي اضافة - 00:19:58

لو ربنا قبل منك اي عبادة يضاعف. كله عمل ابن ادم يضاعف. الحسنة بعشر امثالها الى سبعمائة ضعف. يا نهار ابيض! سبعمية يعني دلوقتي انت رايح تشتغل وزيفة بالف جنيه. الف جنيه. فيقول لك ان ما فيش حاجة اسمها واحد هياخد الف جنيه. ليه؟ اقل واحد

هيشتغل هياخد عشر تلاف جنيه. عشر اضعاف - 00:20:12

وفي ناس هتأخذ سبعمية الف جنيه في الشهر. يا رب ده انا اشتغلت بالف جنيه. او يا صاحب العمل هو الشغل مع ربنا كده. شغل مع ربنا كله قفزات. كله عمل ابن ادم - 00:20:32

يضاعف الحسنة بعشر امثالها الى سبعمائة ضعف. قال الله عز وجل الا الصوم ايه ده! ازاي يا جماعة! ايه اللي حصل يا جماعة النبي كان بيتكلم ده عامل زي صورة العنكبوت كده سيدنا ابراهيم بيتكلم فجأة سيدنا ابراهيم كلامه يغيب وتلاقي ربنا اللي بيتكلم بعد كده

شوية تلاقي سيدنا ابراهيم اللي بيتكلم تاني كأن كلام سيدنا ابراهيم ده - 00:20:42

يعني سبحان الله فتح الله على القلوب بقى. والوحي طبعاً. يعني النبي عليه الصلاة والسلام بيقول كل عمل ابن ادم يضاعف. الحسنة بعشر امثالها الى سبعمائة ضعف. ده النبي بيتكلم فجأة الصورة تروح خالص. اه او الارسل ده يروح خالص. وتلاقي بقى الحديث

جاي من فوق بقى قدسي بقى قدسي - 00:21:04

قال الله عز وجل الا الصوم فانه لي وانا اجزي به يدع شهوته وطعامه لاجلي. النبي عليه الصلاة والسلام بقى يرجع يتكلم تاني للصائم فرحتان فرحة عند فطره وفرحة عند لقاء ربه. ولخلاف فيه اطيب عند الله من ربح المسك. يعني حديث نبوي قدس - 00:21:24

نبوي نبوي قدسي نبوي. يعني كأن فيه في النص كده جزء قدسي. جزء قدسي والحديث اوله واخره نبوي. طب اشمعنى الجزء يا جماعة؟ ده قمة اثارة الانتماء كأن ده بيقول لك كل الاعمال الصالحة. كل شعب الايمان. كل الاعمال اللي في رياض الصالحين. كل

الاعمال اللي في القرآن والسنة تضاعف. عشرة لسبعمية فجأة. قال - 00:21:50

الله الا الصوم كأن اسلوب رهيب. في التنبيه على مدى خطورة عبادة الصواب. ربنا تكلم هنا الا الصوم. فانه لي قمة الاخلاص وانا

اجزي به وانا يعني يقول لك مسلا ايه الموزف اللي هيشتغل يا جماعة هياخد علاوة - 00:22:11

مدير الشغل او رئيس القسم يدي له علاوة. طيب لو الموزف عمل حاجة كبيرة المحافز هيكلمه. يجي بقى رئيس الجمهورية يقول لك في حاجات معينة انا اللي هادي له العلاوات - 00:22:29

وانا اجزي به. طب لما رئيس الجمهورية اللي قدها معناها انها جايزة ضخمة جدا. طب ملك الملوك بيقول لك وانا اجزي به انا بنفسى اللي ادي له. طب هتبقى ايه دي - 00:22:39

ويدع شهوته وطعامه من اجلي. يا سلام على معنى التضحية اللي في الصيام يا سلام على معنى التضحية العظيم. اللي في الصيام. يا جماعة الصيام ده العلماء قالوا فيه كلام تطيش له العقول - 00:22:50

العلماء قالوا زي سفيان الثوري والشيخ الفوزان ربنا يحفظه يا رب ويحفظ علمائنا اجمعين الان. وائمة السلف قال لك ان كل عمل ابن ادم له كفارة. يعني يعني قال لك ان في مرحلة يا جماعة بعد الصراط اسمها القنطرة. القنطرة دي اللي هي تخليص حقوق العباد.

اللي هي واحد مسلا اه عابد ولكن - 00:23:04

واحد يلاقي اللي زالمه ده مستنيه على القنطرة هات. هات تمن زلمك لي. تمن زلم ايه من حسناتك. هات تمن انك انت مشيت مع بنتي انت وانت شاب مشيت مع بنتي. انت - 00:23:24

بصيت لمراتي انت اغتبتني. انت اجبرتني ادفع رشوة. انت ضربتني انت قتلتني. انت آآ واحد ممكن يلاقي مراته مستنيه انت

عزبتيني طول حياتك واحدة تلاقي زوجها مستنيها انت زلمتيني ممكن ممكن يا جماعة متخيلين موقف مهيب يا جماعة القنطرة ده
موقف مهيب تخليص - 00:23:34

العباد كل القيامة اللي قبل كده تخليص حقوق رب العباد. بعد كده القنطرة بعد النار وقبل الجنة تخليص حقوق العباد. فييجي كل
واحد خد حسنات الثاني لما يكون ظالمه ياخذ من حسناته ما شاء الله. تخيلوا العلماء قالوا - 00:23:54
ان العبادة الوحيدة اللي عليها حصانة ربانية. من ان اي حد ياخذ حسناتها منك. على القنطرة الصيام قال لك ان ما فيش حاجة اسمها
واحد ياخذ صيام حد ممكن ياخذ صلاته. ممكن ياخذ زكاته. ممكن ياخذ بره بوالديه. ممكن ياخذ ذكره. ممكن ياخذ قيامه. ممكن -
00:24:11

ياخذ اي حاجة قال لك الا الصيام. ما حدش يقدر ياخذ من حد صيامه. يعني الصيام ده عبادة عليها حصانة ربانية خطير جدا يا
اخواني. يعني اللي عايز ينجو من عبادة القنطرة. اللي عايز ينجو من الحديث اللي بيرعب قلوبنا. اتدرون من المفلس؟ يأتي بصلاة
وصيام وزكاه - 00:24:32
ما هذا سفك دمي هذا يأخذ هذا من حسناته وازى من حسناته حتى اذا فنيته حسناته طرح عليه من سيئاتهم سم طرح في النار. واحد
وهو على باب الجنة اترمي في - 00:24:52

تاني. اشهار افلاس ما بين الجنة وما بين النار. اللي عايز ينجو من الحديث ده يحصن نفسه بالصيام. اللي عنده صيام مش هيرجع.
اللي عنده صيام مش هيشرب اللي عنده ما ينجو حتى لو كان عليه مزالم للعباد واتاخذ حسناته كلها الصيام فاضل له. يلا على باب
الريان يا اخواني في الله. قضية خطيرة جدا. قضية الصيام - 00:25:02
في الدور الاخير على القنطرة حصانة ربانية. على باب الجنة ها باب يدعى الریان اذا دخل يدخل منه الصائمون فاذا دخلوا لا يدخل
احد سواهم حصريا للصائمين. الریان حتى اسمه الریان ري الشهوات. لان هم اتمنعوا عن الشهوات. لان هم ضحوا لربنا بالشهوات.
فيرووا - 00:25:23

ويروى ويروى تخيل بقى الاوبن بوفل في جنة الرهان ده شكله ايه؟ تخيلوا بقى ما هو يا جماعة الذهب الظمأ بقى خلاص الریان
عكس كلمة الظمأ. الظمأ ده انا عطشان الریان ده ري الشهوات كلها. تخيل جنة الریان دي - 00:25:42
شهووات ومتع قد ايه وفيها طعام قد ايه وفيها عصاير قد ايه وفيها شراب قد ايه وفيها فواكه قد ايه وفيها اصناف واصناف قد ايه
وفيها متع قد ايه ربنا كريم يا اخوانا انت بتعبده على - 00:26:00

وهو بيثيبك على قدره سبحانه وتعالى. الصيام والدار الاخرة الصيام والميزان يا اخواني يضاعف سبعميت ضعف دلالة من الصيام
الصيام اعلى من السبعمية ضعف. متخيل بقى الصيام يثقل الميزان قد ايه؟ وثبت الاجر - 00:26:10
ثبت الاجر ذهب الظمأ لما بتفطر ذهب الظمأ وابتلت العروق وثبت الاجر ان شاء الله. ثبت الاجر. الاجر السابت ده اللي ما فيش حد
يعرف ومنك ده. الاجر السابت ده على الميزان - 00:26:25
ساعة الموت للصائم فرحتان. فرحة عند فطره وفرحة عند لقاء ربه. قبور مليانة افراح. قبور الصوامين قبور مليانة افراح قبور مليانة.
بشر الحافي لما مات وكان طبعاً صواماً يعني. يعني والله حسيبه. فلما مات رؤيت له رؤيا قال له من رآه في الرؤيا ماذا فعل -
00:26:37

الله بك يا بشر فقال اجلسني على مائدة امامه وقال لي كل يا من لم تأكل اشرب يا من لم تشرب انت حرمت نفسك افرح النهاردة بقى
بكرم ربنا قبور مليانة افراح - 00:26:58
قبور الصوامين مليانة افراح يا اخواني. لحزة البعث والكل يبفز والكل بيجري. يموج بعضهم في بعض. وربنا يقول لك يصدر الناس
اشتال والموضوع ايه بقى كانهم جراد منتشر كالفرش المبعوث منزع البعس اللي القرآن صوره في ميت مشهد ومشهد منظر مفزع
وده طالع - 00:27:14
ولخولف فيه اطيب عند الله من ريح المسك. بوقه ببيخ مسك من اثر الصيام لان كل واحد بيطلع في البعس عليه اسر الطاعة بتاعته

هو اسر المعصية بتاعته. فده عليه اثر الصيام. اثر الصيام بتاعه. يا اخواني في الله ربنا - [00:27:34](#)

قالوا له والسائحون والسائحات العلماء قال لك السائحون مين قال لك الصوامين؟ قعدت افكر سبحان الله يا اخواني وادور في التفاسير. اشوف العلماء ايه العلاقة من الصيام والسياحة. ده السياحة دي عندنا انا مسافر تركيا انا مسافر اوروبا - [00:27:49](#)
انا مسافر الغردقة انا مسافر شرم الشيخ انا مسافر اتفسح. ده فسحة ده متعة. ده تجول. ده انطلاق بلا حدود. الصيام نفسك طلب الشهوات وانت شاددها بقيود للارض ومناحها وشهواتها لما انت بتصوم بتحررها بتنطلق بتسيح بس سياحة في السماوات بقى مش -

[00:28:04](#)

السياحة في تركيا واوروبا سياحة في الملكوت. قلبك يسبح في معاني الايمان. في ملكوت السماوات سياحة لا مثل لها يعني مش سياحة في تركيا ولا سياحة في المريخ ولا سياحة في القمر ولا السياحة في المجرة اللي جنبنا سياحة في ملكوت السماوات. سياحة حوالين العرش سياحة - [00:28:25](#)

سياحة روحية عظيمة كده ربنا سبحانه وتعالى سورة الاحزاب يقول لك والصائمين والصائمات ها والحافظين فروجهم والحافظات. يا رب الصيام قبل حفز الفرج ليه؟ لان ده بثمرته حبيب قلبي يا اللي نفسك تتجوز. يا اخواني يا شباب يا اللي عندكم شهوة وربنا سبحانه وتعالى يرزقكم الزواج الطيب المبارك يا رب. الصيام هو سر - [00:28:45](#)

تحسين الفروج باذن الله سبحانه وتعالى. الصيام اللي يجربه يا جماعة بس يستمر عليه. الصائمون والصائمات دات استمرار. اللي يستمر عليه يلاقي ربنا مكنه كله في نفسه تمكين بقى ما عايش عنده فرق ما بين حنة اللحمية وحنة الجبنة. الصيام يا جماعة لما بيستمر بيبقى سمارته خطيرة في تزكية النفس. وقهر شهوات - [00:29:09](#)

فاعلم فانه له جاء الصيام ثماره في تزكية النفس. وقهر شهوات النفس بس على شرط. على شرط الاستمرار. الاستمرار الاستمرار في الصيام الاستمرار اللي هيستمر في عبادة الصيام هيجد نفسه اعين على شهوة الاكل وعلى شهوة الشرب وعلى شهوة شهوات بقى النساء وشهوات شهوات - [00:29:29](#)

الرغبات بقى ما بين الجنسين لبعض الصيام يبيزبط شهوة الانسان الصيام بيخلي الانسان يا جماعة مش بقول لكم السائحون

والسائحات بيخليه سائح قلبه في سياحة مش مشدود للارض بقى مش مشدود لتحت سبحان الله العظيم - [00:29:54](#)

اما وصلنا هنا واحنا بنصلي العشاء والامام سبحان الله العظيم قرأ في بقول الله قرأ في سورة الفجر قرأ بقول الله يقول يا ليتني طول حياتي. قلت ياه ياه والواحد طالع يتكلم عن عبادة كده نعم التقديم للحياة الحقيقية. اه لو الناس تحس بالاية دي. يقول يا ليتني قدمت لحياتي - [00:30:10](#)

يا ابني حياتك مش اللقمتين بتوع النهاردة وكوبايتين العصير ولا كوباية الماية ولا كوباية الماية الساقعة ولا السندوتش اللي بتفطر به. يا اخوانا ده كل ده يتقضى الحياة الحقيقية والطعام الحقيقي والشراب الحقيقي والمتعة الحقيقية في الجنة. يقول يا ليتني قدمت لحياتي. يا ريتني عشان كده ربنا سبحانه - [00:30:33](#)

ما يدخلش المعذبين في النار النار الا لما يوروههم الاول متع اهل الجنة. شوفوا اللي صامخة بايه؟ شوفوا اللي صلى خد ايه؟ شوفوا اللي قام خد ايه؟ شوفوا وكلهم خدوا ايه يا اخواني - [00:30:53](#)

يا ليتني قدمت لحياتي. قلها الوقتي قبل ما تقولها قبل ما تقولها يوم القيامة ذهب الظمأ عيش معي بقلبك بقى عيش معي بقلبك مع ثمار الصيام. ذهب الظمأ الصيام ده مدرسة يا اخواني. مدرسة ذهب الظمأ مدرسة الامل ذهب - [00:31:06](#)

خلاص يا اللي نفسك تتجوزي وسنك بيكبر بكرة ربنا هيبعت لك احسن من اللي انت كنت بتحلمي به. وهتقولي ذهب الظمأ مش في الصيام بس يا جماعة. ذهب الظمأ ده في كل مشكلة في كل كربة. في كل مرض في كل هم - [00:31:25](#)

في كل ازمة ذهب الظمأ بعد ما كانت ام موسى التقطها ال فرعون. مرحلة احتدام الابتلاء. الواحد وهو بيقراه جسمه بيرتجف. بعد كده ام موسى اصبح فؤاد ام موسى فارغة - [00:31:44](#)

مش عارفة هتموت. حتى كانت انها تقول ابني انا رميته في الماية بايديا. وموسى حرمننا عليه المراضع. اية قلبك يتقطع وانت

بتسمعها. وانت متخيل سيدنا سعد يصرخ من الجوع وكل ما يلتقم ثدي مرضعة يلفظه ويمج اللبن اللي دخل في بوقه وامرأة فرعون قلبها هيموت من اللهف عليه - [00:31:57](#)

احنا كلنا قلبنا بيتقطع واحنا قاعدين نتفرج على الاية ومش عارفين نعمل ايه. حرمننا عليه المراضع. تقلب بس اية واحدة فرددناه الى كيف قر عينها ولا تحزن بعد ما الدنيا وصلت لايه ؟ الصورة بقت سودا. فجأة تخلقت انوار على انوار بلطف ربنا ورحمة - [00:32:17](#)

ربنا وموسى في حضن امه والجنود اللي جايين يقبضوا عليه عشان يقتلوه امبارح هم اللي جايين يحرسوه وهم بيسلموه لهم النهاردة وعربية من القصر الجمهوري جاية لام موسى نستأذنك تيجي عندنا في القصر الجمهوري عشان امرأة فرعون امرأة رئيس الجمهورية عايضة موسى يرضع وجنبها ناس استأذنك وما حدش في الدنيا - [00:32:37](#)

عارف لحد ما موسى ساد مصر ان دي امه. ما حدش يعرف هي وموسى اللي عارفين واخوه واخته هم اللي عارفين بس ان دي امه لحد ما موسى ساب مصر. ما حدش يعرف - [00:32:57](#)

ربنا جمعهم ازاي ؟ ربنا فرجك يا اخوانا ذهب الظمأ يا اللي فوقان للفرج هيزهب الزمري يا اللي مديون وتعبان والزروف الاقتصادية. يا اللي مش عارف تشتغل ايه وتخرجت وتعبان. يا ابني والله العظيم - [00:33:07](#)

بكرة هتقول ذهب الظمأ يا اللي نفسك في تفريج الكرب يا مريض. يا اللي قاعد تقول يا رب والله يا جماعة قولوا يا رب وخليكم مع عبادة ربنا ومع ذكر ربنا - [00:33:26](#)

ولو مش قادر يا مريض قل يا رب بقلبك. او بلسانك وبكرة هتقول ذهب الظمأ. ذهب الظمأ. الصيام مدرسة في الامل. الصيام مدرسة في مدرسة في التضحية يا اخواني في الله. ما هو يدع آآ شهوته وطعامه لاجل ده ايه القصة كلها اصلا! ده ديت - [00:33:37](#)

ده ايه دي القصة قصة التضحية ربنا بيحب التضحية اوي وانا بقراً في قصة آآ قوم صالح لما ربنا يقول لك فنادى وصاحبهم فتعاطى مسك السكينة التعاطي ده حتى يسموا المخدرات تعاطي. ليه؟ لان - [00:33:56](#)

آآ المخدرات دي خطر وكله عارف طبعا انها بتموت ونهايتها يا سجن يا موت يا سكتة قلبية يا اوفردوز يا يا فاللي بيجي يشرب في الاول بيبقى خايف كله خايف فالجرعة قدامه - [00:34:11](#)

خد انت الاول مين الراجل اللي يشد اول نفس مين الراجل اللي ياخذ الحقنة؟ فكله قاعد ידי والتاني يرفض فده اسمه التعاطي. اللي هو الحاجة اللي كله خايف يمسكها لحد ما - [00:34:21](#)

واحد يقول لهم هاتوا البريف هارت بقى الباشا بقى اللي عامل الكبير بتاعهم يقوم واخذ واخذ الشمة. فنادى صاحبهم فتعاطى كله خايف يمسك السكينة يدبج بها الناقة. فكله يدي لكل واحد يرفضها قام جاي بقى الايه الاشقا هم بقى هاتوا السكينة فتعاطى فعقر. ربنا ما قالش فتعاطى فذبج. قال فعقر. العقر - [00:34:31](#)

ان قبل ما يدبجها يقطع رجلها العكر ان قبل ما يدبجها يقصها في رجلها. ليه ؟ عشان يقول لك ما تعرفش تقاوم وهي بتدبج يا جماعة المنزر ده يا اخوانا المنزر ده بيحسس الواحد عارفين بايه - [00:34:51](#)

لو كلمة امين بقت بخمسين قرش ورا الامام لو خطبة اكبر شيخ الناس بتحب تحضر له بقت بجنيه. رسمة خول. لما الدين بقى يطلب تضحية. لما ربنا بعت لهم الناقة وقال لهم يوم لشراب دوايكم ويوم - [00:35:05](#)

شراب الناقة. لما الدين طلب الدنيا لما الدين بقى له تمن. لما الدين بقى محتاج تضحية. الناس دلوقتي يقول لك شرع ربنا لا. ليه؟ اسرائيل وامريكا ايه يا ابني! ربنا يا ابني - [00:35:19](#)

ربنا الملك اللي يحميك من كل دول اللي كل دول اصلا عاملين زي عيدان الكبريت في قوة الملايكة اللي هي من جنود ربنا اللي هي مش ربنا اصلا. تخيل يا ابني انت - [00:35:31](#)

تخيلوا يا اخواني ذهب الظمأ مدرسة في التضحية. لما الناقة بقى تمنها والدين بقى تمنه انهم يسيبوا الماية بتاعتهم يوم ويوم رجلين اللي اتمدت على الماية بتاعتنا عارف لما واحد يقول لواحد يتقطع رجلين. الرجلين دي تتقطع. والرقبة اللي الراس اللي فيها البوق اللي شرب الماية دي تندبج - [00:35:41](#)

الناس يا جماعة لما الدين بييجي على دنيته بيتجننوا يا اخوانا. الناس مش عارفة يعني ايه تضحية. الناس مش قادرة تتخيل ان واحد يبقى مبتلى وعابد مش قادرة تتخيل لما بقرأ في سورة النمل سيدنا موسى وهو بيقول لزوجته اللي يقول لها امكثوا في اول سورة طه. اني انست ناراً لعلي اتيكم - [00:36:01](#)

منى بقبس او اجد على النار هدى. سيدنا موسى ييموت من الظلام والبرد. وقعد يفكر ازاي يوصل لربنا واهدى الى الله. الناس يا جماعة مش مصدقة الكلام ده الا من رحم الله. مش - [00:36:21](#)

مصدقيني ان انا ممكن يكون شاب اتخرجت ومش لاقى شغل او بنت عدي فوق التلاتين او قربت من الاربعين وما اتجوزتش او عدت الاربعين او واحد عندي مرض واعبد ربنا ازاي ؟ لما المرض يروح لما الابتلاء يروح هو ايه يا عم انتم قاعدين تقولوا لنا العبادة لان ما عندكوش ابتلاءات. ممكن يكون اللي بيكلمك عنده ابتلاءات اكتر منك - [00:36:31](#)

لكن سبحان الله يا جماعة هو ده الدين. ان دينك يبقى فوق الابتلاء. اهو ده الصيام بقى هي دي مدرسة ذهب الضبا. مدرسة التضحية. مدرسة يضع طعامه وشهوته لاجل مدرسة ان انا انا يا رب هاضحي بدنياه - [00:36:51](#)

عشانك. انا هاضحي بدنيتي عشان رضاك سيدنا ابراهيم لما ربنا قال اذ جاء ربه بقلب سليم كده دي صورة الصافات ازاي! ما هو ربنا بعدها قال اذ قال لاييه وقومه ماذا تعبدون؟ خير بين الله وابيه فاختر الله. خير بين الله امه فاختر الله. بعد كده ابنوا له بنيان - [00:37:06](#)

فالقوه في الجحيم خير بين الله ونفسه فاختر الله. بعد كده يا بني اني ارى في المنام اني اذبحك في سورة الصافات. اللي ربنا قال فيها اذ جاء ربه بقلب سليم - [00:37:24](#)

خير بين الله وولده فاختر الله. خير بين الله وزوجه. وداها عند الكعبة وهي لسه صحراء واختر الله. عشان كده ربنا قال قلبه سليم يا جماعة لانه بيضحي عشان ربنا باي حاجة. باي حاجة اي حاجة ترضيك يا رب. يبقى ذهب الظلماء مدرسة في الامل - [00:37:34](#)

والله العزيز كل زماً هذا ظروف البلد الصعبة ومشاكلك وابتلاءاتنا وهمومنا كل ده هيروح يا جماعة. يا جماعة بقى بالظلم بس خليك مع الله. العطش هيروح والتعب هيروح. وهنتروي من فرجك يا رب - [00:37:52](#)

وهنتروي من كرمك يا رب بس نصبر مع طاعة ربنا. الصيام مدرسة في التضحية يدع شهوته وطعامه لاجل الصيام مدرسة الاخلاص ايه ده! صيام يعلمني الامل! علمني التضحية! ويعلمني الاخلاص ده! لسة يا جماعة! ده الصيام ده مدرسة كبيرة جداً! ده ثماره عظيمة! انا في الاول كلمتكم عن - [00:38:09](#)

ثوابه انا دلوقتي باكلكم عن ثماره بقى في ايمانكم وفي قلوبكم انت لسة في الاخلاص تبقى انت في رمضان بتتوضا وبتتمضمض واللي جنبك ما يعني نقطة مائة في بقك بقى من الوضوء تلاقي الراجل ايه يقوم باسق مسلاً يعني ايا ما كان الحكم الفقهي ده تكلف ولا لا ؟ بس هو يعني مش - [00:38:29](#)

انت عايز رغم ان ما حدش شاف نقطة الماية دي لو قام بالحها ايه اللي حصل يعني هو حد عارف حاجة هو حد مدرسة في الاخلاص الصيام ده بيخلي قلبك بتاع ربنا - [00:38:47](#)

فانه لي لي ده عشان انا بس مدرسة حطة مدرسة في تخليص القلب من كل ما سوى الله انا مش قادر اتخيل مدرسة في حب الله. يعني سبحان الله يا جماعة الكلمة بتشدني كلمة السيدة مريم - [00:38:58](#)

قولي اني نظرت للرحمن صوما. الرحمن الله اللي رحماته بتتنزل وتتنزل الله ذو الرحمة النافذة يعني اكتر مشهد على وجه الارض ممكن يعرفك يعني ايه اسم الله الرحمن؟ الحبل السري اللي نازل من جدار الرحم لجوة الجنين - [00:39:15](#)

بيقوم مقام اعضاءه كلته ورثته وينقي دمه ويجيب له الغزا لو الحبل السري ده اتقطع كل حاجة اتقطعت عن الجنين. اسم الله الرحمن المنزر ده عشان كده ان الرحمن بينهم الا نزلت عليهم السكينة وغشيتهم رحبا. غشيتهم الرحمة ده هو منزر الرحم. الرحمة - [00:39:34](#)

ده قبل الجزع ده ما يموت يا ريتني مت قبل ما ما هو جزع النخلة ده يعني النخلة بدون رأس. النخلة لما بتموت راسها بتقع خلاص.

فهي بتقول يا ريتني مت قبل جذع - 00:40:30

يا ريتني مت قبل كده يا ليتني مت قبل هذا. وفجأة ناداها من تحتها ابنها اتولد واترمى على الارض وهي مش من كتر الهم. مش باصة له الا تحزني قد جعل ربك تحت كسرية. كانت بتهرب من البلد اصلا. في صحرا عند جبل نهر يبجي هنا ازاى؟ برحمة ربنا ووزي

اليك بجذع - 00:40:40

نخلة جزع الميت ده يعمل لي ايه؟ تساقط عليك رطباً جنية. وفي قراءة يساقط عليك رطباً جرياً وفي قرى. تسع قراءات ضاقت عليك رطباً جنين. فكلي واشربي وقرى عينا. ففي الاخر كانت الثمرة اني نظرت للرحمن. الرحمت مفركة حياتي - 00:41:00 صوما نكرة للتعظيم مش اي صيام. اني اني عزيمة وتأكيد. عايز لازم يبقى عندك عزيمة على الصيام لازم يبقى عندك عزيمة على الصيام. يا اخواننا ده هو اول يوم ثاني يوم وبتلاقي بفضل وبنة الله الدنيا لانت خالص. هو الصيام في الاول بس. المشقة اللي في

الاول دي تعود - 00:41:20

اكسرها بدل ما تيجي في اول يوم في رمضان وثاني يوم في رمضان وتالت يوم اكسرها من دلوقتي. وتعود يا جماعة على عبادة الصيام يا اخواني في الله. عند الشيخ احمد جلال اخويا الفاضل - 00:41:39

كل ما اروح له مسجد الصديق يوم اتنين او خميس الاقي الناس الافاضل اللي هناك في المنصورة عندنا عاملين سفرة صغيرة كده فطر المنطقة اهل المنطقة متعودين ان كل اتنين - 00:41:49

وخميس صيام ويفطروا مع بعض حاجات خفيفة كده يعني بعضهم يتبرع بها. من باب تفطير الصائمين وبعد كده يطلعوا يفطروا في بيوتهم. بعد الصلاة منزر جميل ان احنا نعمله في جوامعنا - 00:41:59

انك انت تعمله في الجامع بتاعك انك انت تعمله وسط صاحباتك ولا الجمعية الخيرية اللي انت فيها مع اخواتك ان كل اتنين وخميس. ساعة المغرب في المسجد فرشة صغيرة يا عم وحتة عيش زي اللي بيوزعوها في - 00:42:09

مسجد المدام منورة حاجات مش مكلفة يا جماعة. وتمرتين حاجات بسيطة بس بعد ثلاث اربع اسابيع. كل اللي بيصلوا في المسجد هيعرفوا ان ده صيام ويبدأوا يتعودوا على الصيام تنتشر عبادة الصيام - 00:42:21

مدرسة في حب الله. الصيام مدرسة في ترك المعصية ذهب الظلم يا لها من مدرسة ذهب الظلم. مدرسة في ترك المعصية ازاى الشاب اللي بيدخن الشاب بتاع العادة السرية - 00:42:34

الشاب بتاع معاصي السر يا بني اللي صام عن الحلال مش هيعرف يفطر عن الحرام. لأ يفطروا. واول ما بيصوم بيقوم فاطر على على سيجارته طب جرب كده انك تستمر بس على الصيام ما انا باقول لكم يا جماعة الجرعة مش من الاول - 00:42:47

جرب انك تستمر على الصيام جرب اللي صام عن الحلال مش هيفطر على الحرام بس يستمر. جربوا يا جماعة. الصيام بقى دراسة في علو الهمة. الحديس الخطير اللي هو من صام يوماً في سبيل الله - 00:43:00

باعد الله وجهه عن النار سبعين خريفاً. مدرسة ان الصيام بيعلمك ان حياتك تبقى صفقات بقى صفقة الصيام ان انا في يوم واحد نطيت واحد بقى له سبعين سنة ماشي - 00:43:12

يوم واحد نطيت واحد بقى له سبعين سنة سائر في الطريق فبيعلمك علو الهمة مدرسة الصبر يا سلام ذهب الظلم كانك بتقول يا رب التعب راح انا كنت تعب ان اوي يا رب - 00:43:27

ده غير العطش انا كنت عطشان اوي يا رب انا كنت جعان انا كنت مجهد ذلك بانه لا يصيبهم ظمأ ولا نصب ولا مخمصة. الثلاثة دول اللي هم دلوقتي في صيام الصيف دهو. ظمأ ونصب اجهاد بقى واللي بيشغل ومخمصة بقى - 00:43:40

جعان وتعبان. فيا رب انا كنت تعب ان. بس ذهب كل تعب راح تعبك راحة يا رب ذهب الظلم ان يا رب التعب راح وكل تعب هاتعبه عشانك هيروح. قيام الليل وانا عايز انام. طب كمل بس كده راح والفجر طلع. طيب ذكر الله خلاص - 00:43:56

جلسة الضحى خلصت والشروق طلع. فيا جماعة هي الدنيا كده يا جماعة. ذهب الظلم. زي احد السلف لما كان ماشي مع عالم من العلماء فبيقول له عايز اشرب قال له البئر التي تليها. البئر التي جاية - 00:44:15

تواصل البير قال طب معلش نشرب من البير اللي جاية. وصلوا قال له معلش البير اللي جاي ففي الآخر قال له هكذا تقطع الدنيا الدنيا بتقطع كده ذهب الظمأ صبر نفسك مدرسة في الصبر - [00:44:28](#)

مدرسة الصبر الصيام يعني مدرسة في ميت حاجة انا مش عارف اقول لكم ايه. انا عايز بقى يا جماعة الوقتي نقف وقفة ما نقعدش نتكلم كده بس في العبادة وفي الآخر هتعملي ايه - [00:44:38](#)

هتعمل ايه؟ ناوي على ايه؟ بكرة اللاتنين بازن الله سبحانه وتعالى. يبقى اللي عايز يصوم اتنين وخميس يبدأ من اول بكرة. يتسحر الليلة ويبدأ من اول بكرة بازن ايه انزمة الصيام - [00:44:49](#)

ايه الانزمة بتاعة الصيام يا جماعة زي ما باقول لكم احنا الوقتي بنحاول نعمل ايه يعني انا انا متخيل كده لما اطلع ادي خطبة جمعة عن تكبيرة الاحرام. نفسي نفسي ادي خطب جمعة ودروس عن تكبيرة الاحرام درس كامل. اعظم عبادة على وجه الارض. درس عن صلاة الوتر. بس بس - [00:45:02](#)

درس عام زي النهاردة كده صيام التطوع صيام اللاتنين والخميس مسلا. درس عن ركعتين الضحى. الناس يا جماعة محتاجة دعوة عملية. درس عن خلق معين من الاخلاق درس دروس عملية. والعمل هيربي قلوبنا. وغير ان احنا نتكلم عن الاية طبعاً عن الآخرة طبعاً. عن هم الدين طبعاً. كل دي حاجات بتشحن القلوب - [00:45:20](#)

نمسك ايات ونفسرها. طبعاً انما قصدي يا جماعة لازم يبقى في كلامنا برضو دروس عملية يا جماعة. يعني دروس خط سير. فاحنا الوقتي بنتكلم في موضوع خطير. اوعى تقول يعني - [00:45:41](#)

هنصوم اتنين وخميس يا ابني ده موضوع بس انت اعمله وشف سمرته هتبقى احسن كل يوم هتصوم ممكن احسن من كم من الوعد لا يعلمه الا الله سبحانه وتعالى. انزمة الصيام بتاعة السنة ايه - [00:45:51](#)

فيه نزام صيام ثلاث تيام في الشهر لان النبي عليه الصلاة والسلام نوى على الانزمة عشان يدي للامة كلها براح نظام صيام ثلاث ايام في الشهر ده جميل جدا تلتاشر واربعتاشر وخمستاشر مسلا. وفي او ثلاث تيام من اول الشهر العربي. يعني شعبان هيبداً اهو. وفيه نزام صيام اتنين وخميس. رائع ده طبعاً وناس كتير - [00:46:04](#)

بفضل الله ماشيين عليه. مش قادر خلاص كل اتنين بس او كل خميس بس وفي نظام صيام افضل الصيام صيام داوود يوم ويوم. يصوم يوم ويفطر يوم. وفي النظام اللي النبي عليه الصلاة والسلام عرضه على عبدالله بن عمرو بن العاص. افطر يومين وصم يوم. افطر يومين - [00:46:21](#)

صوم يوم. وفي نزام كان يصوم حتى يقال لا يفطر ويفطر حتى يقال ايه؟ يقال لا يصوم. يعني داوود كان بيصوم يوم ويفطر يوم. النبي بقى كان بيعمل نفس الموضوع بس يصوم - [00:46:35](#)

ويفطر ايام. يعني يقوم صايم له مسلا اسبوعين ثلاثة. وبعد كده يفطر له اسبوعين ثلاثة. يبقى عمل زي داود بس ايه؟ كتلة وكتلة. يعني دا في تربية النفس برضو حاجة عظيمة جدا - [00:46:45](#)

يبقى النبي عليه الصلاة والسلام يا جماعة علمنا الانزمة. الوقتي قرري دلوقتى اهو احنا مع بعض قبل ما الحلقة تتقفّل. قبل ما نرفع ايدينا ونقول يا رب الوقت قرر. هتصوم ايه؟ قدرتك يوم واحد في الاسبوع خلاص قرر الوقتي اتنين ولا خميس قرر - [00:46:55](#)

يومين في الاسبوع اتنين وخميس ان شاء الله بازن الله. ممكن واحد يقول لك اتنين وخميس وثلاث تيام من كل شهر. ما شاء الله! على عشر زي الحجة تسع تيام على شعبان بقى. النبي كان بيصوم شعبان - [00:47:10](#)

كله عليه الصلاة والسلام. كل ده هتبقى كأنك قربت من صيام سيدنا داوود. ولكن قرررو الان يا جماعة وابدأوا يا جماعة. طب انا مش قادر اصوم اعمل ايه؟ انا مريض اعمل ايه - [00:47:20](#)

بسيطة جدا. فطر صائمين. لو ولادك صاموا انوي بس نية تفتير الصائمين. خلي اصحابك يصوموا وفطروهم. في رمضان فطر صائمين صائمين تعوض ومن فطر صائماً كان له مثل ايه؟ مثل اجره - [00:47:30](#)

آ الوقتي بازن الله سبحانه وتعالى قبل ما نفرق يا اخواني في الله ان شاء الله بازن الله احنا عاملين آ آ لأ مش عمرة التربية اتنين

بقى عمرة التربية اتنين اللي انا قلت لكم عليها. آآ فضل ومنة الله سبحانه وتعالى آآ - 00:47:46

عمرة التربية اتنين يعني خلاص اللهم لك الحمد يعني ايه فضل ومنة الله! يعني شبه اكتملت ما عدش غير افراد بس آآ يعني

محدودين في الاماكن بازن الله سبحانه وتعالى واللي عايز يشوف - 00:47:59

عمرة التربية عنده موقع الطريق الى الله. العمرة التربوية رقم اتنين. اللي هي اخر عشر تيام من شعبان. انما حاملين بقى حاجة تانية

ان شاء الله معسكر ايامنا الحلوة اللي في برنامج اتسمى على اسمه - 00:48:09

اللي كان نقلة في حياتنا لما خدنا مجموعة من الشباب وطلعنا على معسكر في اسكندرية عدى ثلاث ايام وقعدنا معهم مان تومان

نكلهمم ولاول مرة نكتشف الشباب وصلوا لايه في الخمر - 00:48:19

الزنا جواز العرفي والشبهات كان المعسكر ده كان نقلة في حياتي يا جماعة. بعده ده الدرس السابت فضل ومنة في المنصورة في مسجد السلاب رجعتة كل جمعة ليه؟ قلت لان الشباب دول هننزل ندعمهم وبعد كده نجيبهم على ايه؟ لازم درس سابت الناس تيجي

عليه. لما - 00:48:29

نعمل معسكر ولا ننزل جولات ولا ننزل للشباب في الجامعات ولا القهاوي الشاب ده هيروح فين بعد كده! ما انت هتسيبه هيبرد تاني

وهينتكس تاني. يبقى لازم بيئة سابتة بفضل ومنة الله - 00:48:49

المعسكر ده زي ما قلت للشباب في حفلة السمير الختامية بتاعته واحنا قاعدين فيه قلت لهم المعسكر ده غير حياتي يعني انا مش

عايز واحد منكم يقول المعسكر ده غير حياتي. انا اللي حياتي اتغيرت. انا اللي اكتشفت ان احنا بنلعب - 00:48:59

انا اللي اكتشفت المسؤولية اللي ورانا. اللي عايز يتواصل مع المعسكر ايامنا الحلوة اتنين. معسكر معمول اساسا للشباب الغير ملتزم او للشباب يعني مش الغير ملتزم. طبعاً الكلمة دي كلمة يعني ايه؟ لأ يعني اللي نفسه يلتزم بقى. اللي نفسه حد ياخذ بايديه. يعني الرقم

موجود قدامكم هيبقى موجود قدامكم على الشاشة ان شاء الله بازن الله - 00:49:12

موجود قدامكم على الشاشة للي عايز يتواصل مع معسكر ايامنا الحلوة اتنين باذن الله سبحانه وتعالى اللي عايز يتواصل مع المعسكر

الشبابي معسكر ايامنا الحلوة اتنين هيبقى في اسكندرية برضو ان شاء الله هيبقى ثلاث تيام هيبقى معنا بقى ايه مش زي المرة اللي

فاتت هيبقى معنا دعاة - 00:49:30

معنا الشيخ احمد جلال ان شاء الله دكتور عبدالرحمن الصاوي. بازن الله الشيخ عاطف صابر. آآ شاهين يعني هيبقى معنا مجموعة

بازن الله سبحانه وتعالى بحيس ان احنا ايه يعني نبدأ بقى آآ - 00:49:47

نعمل بيئة اكبر للشباب. المعسكر هيبقى قبل رمضان يعني الشاب اللي هيجي ان شاء الله بازن الله يخرج من المعسكر استعداد

لرمضان. يدخل المغسلة بتاعة رمضان الجنة بتاعة رمضان يخرج من رمضان انسان تاني فهو كانه استعداد كبير لرمضان بازن الله

سبحانه وتعالى. معسكر ايامنا الحلوة اتنين اللي عايز - 00:49:57

تواصل معه الرقم آآ آآ يعني موجود قدامكم على الشاشة. او يدخل على صفحة الفيسبوك بازن الله اللي هي دكتور حازم شومان بالانجليزي. الصفحة اللي هي مكتوبة بالانجليزي. او يدخل على موقع الطريق الى الله. ربنا يبارك فيكم يا اخواني. ربنا يحفظكم. ربنا

يعينا على الصيام يا رب - 00:50:17

ربنا يعينا على العبادة العظيمة العظيمة قوي داهي بازن الله سبحانه وتعالى. اللهم اعنا على الصيام. رب اجعلنا لك صوامين.

رب صوامين رب اجعلنا لك صوامين. اللهم يسر علينا الصيام يا رب. اللهم يسر لنا هذه العبادة يا رب - 00:50:33

اللهم انا نتمنى ان نصوم لاجلك يا رب. اللهم حقق مما يرضيك اماننا. اللهم فرج كرباتنا. اللهم اشف امراضنا وامراض احبابنا

وامراض المسلمين. اللهم ادم الديون عن مديننا. اللهم فرج كرباتنا وكربات احبابنا - 00:50:53

كربات المسلمين. اللهم استعملنا ولا تستبدلنا. اللهم استعملنا في طاعتك. اللهم حبب الينا الصيام. اللهم يسر علينا الصيام اللهم اعنا

على الصيام. رب اجعلنا لك صوامين. لك قوامين. لك ذكارين. لك شكارين. برحمتك يا ارحم - 00:51:13

اقول قولي هذا واستغفر الله لي ولكم سبحانه اللهم وبحمدك اشهد ان لا اله الا انت استغفرك واتوب اليك وجزاكم الله خيرا الاسلام

سلام فينا يزرع فينا حب الناس. الاسلام سفينة - [00:51:33](#)

ما احلى الدنيا لو عشنا وجعلنا الاسلام اساسا. كل اوامره تهديه - [00:51:57](#)